



Inatsisartut suleriaasianni § 37, imm. 1 naapertorlugu ima Naalakkersuisut apererusuppakka:

(Inatsisartunut Ilaasortaq Per Rosing-Petersen, Partii Naleraq)

Naalakkersuisunut apeqqut:

1. Januaarip sisamaani siorna taamanikkut Danmarkip nunanut allanut ministeria nutaarsiassa qarfik 21 søndag, oqaluttuarisaanitsinni siullermik Danmarki Naalakkersuisutigoortumik nassuerutigimmagu Danmarkip nunanut allanut tunngatillugu sutigut tamatigut qanoq nunarput iluaqutigitineraa. Naalakkersuisut qaqugu qulakkeerniarpaat pissutsit tamakku nammineerluta iluaqutigilissanerigut?
2. Qaqugu Naalakkersuisut nunatta inuisalu kinnganikorsiornerat unitsillugu nunatta pisuussussui, inissisimaneralu iluaqutigilissagaat piviusunngortinniarpaat?
3. Danmarkimut nunarput taama iluaqutaalluinnartiginera taamallu akikinaaritiginera Naalakkersuisut iliuuseqarfigilersaanngilaat?
4. Iliuuseqarfigiumanngikkaanni nunatsinnut inuinullu killuussinerussanngila?

Tunngavilersuut:

Siorna ukioq ataatsip missaa qaangiuppoq (Januaarip 4-t 2015) oqaluttuarisaanermi tupinnartumik pisoqarmat, tassalu Danmarkip naalakkersuisuisa siullermiugunartumik avammut nalunaarutigimmassuk qanoq nunatta Danmarkimut pingaaruteqarluinnartiginera, iluaqutaatigineralu. Taamani Danmarkip nunanut allanut Ministeria Martin Lidegaard nutaarsiassa qarfik 21 Søndag aqutugalugu nassuermat.

Massakkullu aamma atorfilittat suleqatigiissitaasa rapportiat Danmarkimi saqqummeqqammersup tamanna aammaarluni uppernarseqqippaa. Takunikuunngikkaluarlugu taanna rapporti KNR nutaarsiassa qarfiata atorfilittaq Peter Taksøe-Larsen ilaatigut issuaaffigineratigut takuneqarsinnaavoq (<http://knr.gl/da/node/183560>), qanoq nunarput Danmarkimut pingaaruteqarluinnaqqissaarnera, paaserusunnarsivorlu Naalakkersuisut qanoq iliuuseqarfigissamaarneraat.

Piomasaraarput naliginnaasumik ullut suliffiit 10-t iluanni akineqarnissara, qujanaq